

ԷԶՄԻԱՄԻՆԸ ՏՕՆԱԿԱՏԱՐՈՒԹԻՒՆՆԵՐԻ ՆԱ-
ԽՕՐԵԱԿԻՆ

Վաղարշապատ, 9 հոկտ.

Մի երեք օր յետոյ կատարվելու են էջ-
միածնում գրերի գիւտի 1500-ամեակի և
տպագրութեան 400-ամեակի հանդէսները:

Առ այժմ եկել են 5 պատգամաւոր.
սպասվում է և յայտնի է յանձնաժողովին,
որ գալու են նաև զանազան տեղերից մօտ
40 հոգի: Վեհափառը կարգել և հաստատել

է յօրելեանական յանձնաժողովի անդամներ. իսկ վերջիններս ընտրել են թէ իրանց միջից և թէ դրսից կարգադիր յանձնաժողովի անդամներ:

Յանձնաժողովի անդամներն են. նախագահ՝ միաբան Գալուստ Տէր-Մկրտչեան, Բաղրատ և Մատթէոս Եպիսկոպոսները, Ներսէս, Վրթանէս և Գէորգ վարդապետները, Մ. Աբեղեան, Ս. Կանայեան, Գ. Ալթունեան և Գ. Էդիլեան:

Իսկ կարգադիր յանձնաժողովի անդամներն են՝ Մուշէ, Արիստակէս, Ռուբէն, Վրթանէս և Գէորգ վարդապետները, Կարապետ սարկաւազը, Կ. Քոչարեան և Յ. Գրիգորեան:

Համագրային մեծ յօրելեանի տօնակարգը այսպէս է կատարվելու էջմիածնում:

Ուրբաթ, հոկտ. 11-ին, եր. ժամը 5-ին, Նորին Վեհափառութիւնը պատգամաւորներ ի և ամբողջ միաբանութեան ուղեկցութեամբ՝ հանդիսաւոր թափօրով կը գնայ Մայր Տաճար՝ ներկայ լինելու ս. Թարգմանչաց յիշատակին կատարվելիք նախատօնակին:

Շաբաթ, ս. Թարգմանչաց տօնին, հոկտ. 12-ին, առ. ժ. 8-ին, Վեհը հանդիսաւոր կերպով կը գնայ Օշական՝ ամբողջ միաբանութեան և պատգամաւորներ ի ուղեկցութեամբ: Պատարագը կը սկսվի ս. Մեսրոպի գերեզմանի վրա ժամը 10-ին: Պատարագից յետոյ հոգեհանգիստ կը կատարվի դքերի և սպազբութեան վատակաւորների յիշատակին: Յետոյ պատգամաւորները կը բանաստեղծեն և կը լինի ուղերձների ընթերցումը:

Կիրակի, հոկտ. 13-ին, ժամը 9-ին, Մայր Տաճարի Իջման Անդանի վրա հանդիսաւոր պատարագ և յետոյ հայրապետական մաղթանք կը կատարվի Պատարագից յետոյ, ժ. 12-ին, ճեմարանում կը կայանայ ցերեկոյթ-երգեցողութիւնով և երաժշտութիւնով միասին և արա հեռագիրների ընթերցումը:

Շաբաթ և կիրակի երեկոները ժ. 7-ին և երկուշաբթի առաքօտեան ժ. 10-ին՝ ճեմարանում կը լինեն գիտական բեֆերատներ և խորհրդակցութիւն ուղղադրութեան խընդիրների շուրջը: Շաբաթ և կիրակի երեկոները կը լինեն զինուորական երաժշտութիւն և հրավարութիւն թէ վանքի և թէ ճեմարանի բակում:

Վանքը մեծ շարժման մէջ է, աշխատում է եկող հիւրերին արժանավայել ընդունելութիւն ցոյց տալ: Հիւրընկալ Վրթանէս արեղան հիւրատան մաքրութեան, կարգ ու կանօնի համար արժանի է գովեստի:

Մաքրվում են և Վաղարշապատի շուկան ու փողոցները: Հրատարակում շինվում են ժամանակաւոր վրանի ձևով խանութներ՝ զանազան մրգեր ծախելու համար: Գալիս են և զանազան տեղերից նուազածունների խմբեր:

Այսօր Վեհ. Հայրապետին ներկայացաւ Պետական Դումայի անդամ Մ. Պապաջանեանը: Վ. ք. Աղապապեան